



^ 16  
2793  
2





門 八 16  
號 2793  
卷 2

空同子集

卷之五

北郡李夢陽撰 東莞鄧雲霄歛潘之恒蒐校

詩類二之一 樂府

衛女操 漆室女操

慧蛾操 哀鳳操

月星操

右次琴操五首

天門開 貽女

捐袂 懷鄉

君夷猶 騁望

空同集

卷五

一

昭和十九年  
六月二十八日  
購本



雩旱

祀白鹿迎送神辭二首

步虛辭

芝山子辭

右次楚調歌一十二首

雷之奮

鳳之升

月如日

右次鏡歌曲三首

賦大隧

公儀休

青陵臺

射潮引

汝為我楚舞

博浪沙

左袒行

申屠嘉

棘下駒

栗太子

赤鳳曲

右次詠史一十一首

子夜四時歌八首

車遥遥

幽蘭

掌上舞

右次短調歌一十一首

樂府一

琴操

衛女操

舊說衛有賢女趙王聞其賢請聘之未至而王



薨太子曰吾聞齊桓公得衛女而霸今衛女賢  
欲留之大夫曰不可若賢女必不我聽若聽必  
不賢不可取也太子遂留之果不聽拘於深宮  
思歸不得援琴而歌曲終自縊而死

有狐綏綏兮在彼河梁我欲濟之兮河無航瞻彼故  
丘兮淇水淺淺懷我父母兮不能奮翻嗟嗟不能奮  
翻予安用存兮

漆室女操

漆室女魯人也倚柱悲吟鄰人問曰欲嫁乎女  
曰吾憂國傷人心悲而嘯何言欲嫁乎遂自經  
而死

父母不聽女言女義不至公門嗟嗟奈何朝倚柱而  
吟暮倚柱而歌知我者謂我心憂不知我者謂我求  
爲家予寧爲地上之茂草誠不忍負巖墻而生

慧蛾操

李子中庭而立有蛾窘於爵入檐而避之李子  
傷之作此操也

翼之漸漸兮入我檐兮慧遠賊兮信彼黠兮寧爾獲  
兮

哀鳳操



哀鳳操爲漢中張子作也張子三十而夭予傷其孤貧無歸也援琴而哀之

鳳之來兮爾胡爲兮牛有阜兮雞有棲鳳兮鳳兮今何歸傷哉命兮我心悲

月星操

元年冬十有一月其日巳卯月在寅位金宿來襲李子見之而憂作此操也

陰陽舛錯亦孔之選斤斤其月有星薄之嗚呼天高高在上意安若兮

楚調歌

天門開

天門開兮冥冥沛余乘兮上征雷車兮電旗斑陸離兮四馳陽昭昭兮在下女翩翩兮媵予交不周兮易離路超遠兮徒自苦涉海兮揚靈揖陽侯兮貝宮采珊瑚兮嶼間折三秀兮水中望佳人兮不來吹洞簫兮絕浦聊盤旋兮戲娛時不可兮再有

貽女

龍旌兮玄牲重闕兮紫府夫君兮不可以見女躑躅兮徒自苦衝風起兮河曾波巖岬岬兮桂蘿折瓊蕊兮貽女媒不通兮怨嗟若有人兮乘游龍佩蒼景兮



御清風陟帝左兮右降又翱翔兮極中君游兮崑崙  
又夕宴兮王母緩節兮永歌紛佾兮繁舞望遙浦兮  
御舸吹參差兮愁予

捐袂

捐袂兮沙喬遺襟兮漚浦御重華兮九疑觀潺湲兮  
容與神之來兮六龍翳瓊枝兮翠葆驅豐隆兮挾百  
靈來如雲兮去冥冥來躡霞兮去乘霓連蜷兮復  
蕙蕤山之桂兮江之楓雲颯颯兮吹秋風班予馬兮  
延佇美要眇兮中渚

懷鄉

伐辛夷兮采芳芷葺荷屋兮蔭蘭渚佳人去兮不歸  
靈連蜷兮愁望予涉世徑兮歷險阻駕玄驂兮又文  
牡歲冉冉兮既不我留悵懷鄉兮汨夷猶葛藟離離  
兮石間雨冥冥兮山之幽旋予馬兮故阿陟堂址兮  
攀女蘿霜露交下兮亭臯秋風夕兮洞庭波山何爲  
兮龍從木何爲兮蒙密公有亭兮何不日鼓瑟日鼓  
瑟兮復吹鱣愴娛樂兮萬福來

君夷猶

登樓兮送君日盈盈兮將落曖葑鬱乎帶長薄君夷  
猶兮吹間並去作巢燕兮旣辭又鳴兮螻蛄紛軒蓋兮



空同集 五  
總總君胡爲兮南都若有人兮被杜衡帶薜蘿兮蕙  
纓中有懷兮荃不知臨修路兮悵天涯悵天涯兮望  
煙渚信予美兮誰與龍城兮貝闕君暮趨兮朝謁采  
芳芷兮江中寄佳人兮天北

騁望

送佳人兮江渚嫋嫋兮雲氣下鳥翩翩兮戾止蟬暮  
吟兮獨苦余遭迴兮隱軫寒中洲兮偃蹇心相親兮  
口難言目不覩兮日以遠風濤兮浩蕩涉浦兮騁望  
蘭被汀兮歲蕤杜參差兮夕漲君稅楫兮前坻復容  
與乎中渚倘恍兮將從憺淹留兮誰與

雩旱

望君兮曾波雨霾兮兩河驟豐隆兮駕馮夷蹇將至  
兮風薄之吹笙兮擊鼓絙絃兮會舞君不來兮使我  
心苦雲冥冥兮晝晦神靈惠兮甘雨我稷兮我黍穀  
之兮士女編龍兮堂墀禽蜥蜴兮水際吐雲兮上下  
使鳩鳥兮騰逝紛總總兮神欲下焱爲駕兮龍爲馬  
君誰須兮不來日將莫兮怨思

祀白鹿先生迎送神辭

吹玉簫兮眺帆浦橫蔽江兮美無舸蹇躑躅兮旋望  
宛窈窕兮山之左陟山左兮降右忽而來兮倏而去



跨白鹿兮導兩螭色含笑兮心莫知既登兮山椒復  
南涉兮石瀨日冥冥兮欲暮風飄飄兮吹蕙帶

右迎神

綠蘿兮紫萸桂生兮羅戶風颯颯兮若有望神驅雨  
兮泉浪浪躒我塔兮坐我几以彭郎兮挾匡父蘭觥  
兮椒醕日中兮萬舞美孰怒兮飄忽逝雲離離兮怨  
余

右降神

迹不借兮心相疑懼雖諧兮愁易離君荷衣兮蕙帶  
逍遙山中兮桂爲蓋天門兮既闢騰而上兮雲之際  
石有澗兮山有峯心相慕兮交不逢稅吾車兮繫馬  
願褰衣兮從子

右送神

步虛辭

被霞衣兮芝蓋藹沛騰兮影長帶翬逖逖兮天門奄  
周章兮雲際吹參差兮繁舞燈繁紛兮不歌以鼓水  
以陸兮濟鬼福釐沕兮冀望苦

芝山子辭

山之芝兮歲蕤子出遊兮不歸子不歸兮翳辟蘿蹇  
余獨兮山之阿山阿兮望子芝爛爛兮莖紫從子兮



齊房帝座今顯清天門今不易通子歸來今山中石  
磊磊今路修日暮今不我聊

鏡歌曲

雷之奮

雷之奮翕兮張山之陽發坤藏闢哉昌群龍載浮列  
缺光列缺光烜中土惠甘雨介稷黍聖人垂衣民歌  
舞民歌舞祛禍留饑而食飽斯嬉厲鬼潛滅維福基

鳳之升

鳳之升附龍雲儀萬方昭帝文昭帝文承宗禋安如  
山翕如坤兩宮豫協天神帝臨朝奏雲門曼鳴銜笙

鏞振昭四方明萬民萬民愉庶物亨陰陽熙乾道成  
乾道成皇業昌軼周妣纘塗戎臣稽首歌雲龍

月如日

月如日光如輪輪五色繽哉紛貫紫霓揚風翎扶大  
乙侵紫庭化爲白氣干天經張我孤挾我矢祛祲滅  
妖天下理

詠史

賦六遊

賦大隧兒賦院中毋隧外毋思啓段段已舉不及黃  
泉是何語穎人不來其柰汝穎人不來猶之可俎上



分羹痛殺我

公儀休

園中豈無葵相公柰何饑相君卽無衣不愛室中機  
相君千萬歲請治相君棲桓公霸諸侯管氏有三歸

青陵臺

兩山當中開露出青陵臺北山雖張羅南山鳥不來  
我在南山自有匹馬牛之風豈相及吾頸可斷志不  
易

射潮引

錢塘八月潮水來蛟龍奮怒濤爲雷天旋地拆不可

止此中云有鴟夷子何不張爾弓挾爾矢射殺鴟夷  
潮可止君不見潮水年年八月來萬弩射潮終不回

汝爲我楚舞

汝爲我楚舞吾爲若楚歌黃鵠翼成將柰何黃鵠一  
舉橫四海君王豈有四海羅君無四海之羅安用此  
殃君美人毒君子

博浪沙

博浪沙中挈椎走鴻門帳前撞玉斗誰謂張良貌如  
婦赤帝子起鞭赤龍臣也請歸從赤松赤松子在何  
許君不見朝烹狗暮縛虎



左袒行

陵曰不可乎曰可安劉者誰勃與我奇不信祿不入  
軍左袒計安出

申屠嘉

鄧通小臣敢皇侮錯也何人毀廟堵臣欲戮通帝弗  
許請收錯誅帝罔與含血自殲報皇祖

轅下駒

鄭當時轅下駒韓安國兩首鼠禿老翁竟斬汝廷臣  
不語淮陽語君不見金家婦王家文一言殺兒還殺  
母何況區區老禿且

栗太子

燕燕汝今銜泥向何縣遮天蔽日過長安堆泥作塚  
高如山飛來未央宮銜取梁上土黃口見母來啞啞  
張吻索<sub>五</sub>螭哺

赤鳳曲

前赤鳳後雙燕頭岑岑今尾涎涎組幘郎君夜相見  
相見騎白馬驚起城上烏城上烏據巢食兒夜相呼

短調歌

子夜四時歌

共懽桃下嬉心同性不合懽愛桃花色妾願桃生核



其二

柳條宛轉結蕉心日夜卷不是無舒時待郎手自展

其三

獨夕玉塔側仰看三星爛畏熱不歸房徘徊夜將半

其四

驚棹出驚流回橈戲清沚擘破芙蓉花中有雙蓮子

其五

涼風吹玉樹團扇置不理儂亦有涼熱何況戴冠子

其六

摘葉裹流螢應手葉先落本無牢根蒂虛怨秋霜薄

其七

郎住西水頭妾住東北澣何能冰遂合永免風波苦

其八

雪飄悵難行室邇阻相覓不畏風色嚴畏此雪上跡

右四時各二首

車遥遥

車遥遥遥遥復邁邁望見秋塵起不見車輪轉知在秋塵裏

幽蘭

幽蘭敷紫莖羅列生堂基踰時君不采隔情當怨誰



掌上舞

晨遊憩陽館夕宴戲風臺盈盈掌上舞飛飛素雪迴

空同子集

卷之五

空同子集

卷之六

北郡李夢陽撰 東莞鄧雲霄歛潘之恒蒐校

詩類二之二 樂府

擬前緩聲歌

擬烏生八九子

郭公謠

豆娘子

榆臺行

白毛行

長歌行

禽言六首

猛虎行

董逃行

秋胡行

君馬黃

飲歌行

阪田行



豫章篇

仙人篇

升天行二首

洛陽陌

丹霞行

雨雪曲

陽鳥篇

湖吟行

虎欲齧人不避豪賢篇

獨漉篇

苦熱行

鷄鳴篇

朝吟行

玄熊篇

遊子篇

豫章行

析薪二首

右次雜調曲三十八首

樂府二

雜調曲

擬前緩聲歌

萬水東流魚西上游不虞彼有漁子置我於其釣魚  
告漁子女曷太荼寬大福厚不見是圖漁乃偃僂伸  
鈎我脫身以游漁起揮手謝天命各有由此魚銜明  
珠來報當日漁

擬鳥生八九子

鳥生八九子八九子餵飼兩老鳥乃在城墻高樹頭  
兩老鳥拮据為巢心中實毒荼晝夜餵飼八九子八



九子長成各自飛不來顧老烏巢風雨巢漂搖今年  
有巢處來年哺子何處所猛虎能食人尚復有子之  
親螻蟻極細小蟲奉事長上禮若君臣何得朋友如  
路人上車逢所知下車稱別離淚下如雨眼迷離來  
時不知南不知北我去何勞問東西車輪班班轉老  
鳥飛飛啄赤莧

郭公謠

赤雲日東江水西榛墟樹孤禽來啼語音哀切行且  
啄慘怛若訴聞者悽靜察細忖不可辯似呼郭公兼  
其妻一呼郭公兩呼婆各家栽禾栽到田塍誰教檢  
取螺公要螺灸婆言攝客攝得客來新婦偷食公欲  
罵婦婆則嗔婦頭插金行帶銀郭公唇乾口噪救不  
得哀鳴繞枝天色黑

李子曰世嘗謂刪後無詩無者謂雅耳風  
自謠口出孰得而無之哉今錄其民謠一  
篇使人知真詩果在民間於乎非子期孰  
知洋洋莪莪哉

豆娘子

豆娘子者蜻蜓之細也輕盈側媚群游而寡忌  
李子見之傷焉作豆娘子



汝何者物小而輕盈灼灼悠揚朋從寡畏緗衣紺裳  
或翠其衿或朱而黃嬉戲長我窈窕水旁餐膏浴滋  
飲露吞香才不我知謀寧自臧兒童撲弄姬媵憐傷  
豆卿子卿娘子豆娘百卉隕零北風雨霜弱不敵威  
蛇蟻同戕肅肅鴻鵠雲海翱翔噦噦者鳳覽輝梧岡  
微末之蟲何勞短長

榆臺行

其事在弘治乙丑年

榆臺高高風吹樹梢都搖搖臺下黃羊走黃蒿山頭  
看看日落虜寨四面吹軍中白旗身姓誰向前看有  
河河水深彼不怕死我亦人力能拔虎尾人虎或兩  
存歸爲鬼雄榮爾鬼

白毛行甲申元日作

元日地動生白毛發春當暖風蕭騷天時尚然有錯  
迓老夫何怪兒童曹君不見猛虎失勢人寢其皮惜  
也豈復能咆哮我歌白毛比之董逃

長歌行

籠中鴨望水中鴨一鳴一答汝雖有羽翼不如我汎  
淥波食魚鰕奔蘋拍藻入煙浦籠中之鴨心徒苦

禽言

泥滑滑車馬不得安何不停車繫馬待泥乾



其二

行不得哥哥東有木公西王婆南向設曾北張羅行  
不得哥哥

其三

姑惡姑惡小姑刺齷姑不樂新婦早煮餽低聲奉小  
姑

其四

捉壺盧壺盧提盛酒背毋私餉妻妻可再得毋恩罔  
極

其五

瘦兒瘦兒汝為上留田汝為尹伯奇獨行哀叫心內  
饑日逐緣樹啄蟲蟻汝父汝兄寧得知

其六

不如歸去南山豆熟北山有黍

猛虎行

猛虎本居深山我可不入彼來亦難誰令爾今來市  
中遊盡日攫人食撐腸挂腹無歇休我欲擊之刃不  
在手欲往告泰山之君陸無車水無舟猛虎聞言向  
我怒我命在天匪虎懼嗟嗟虎尚有時鴟鴞遺音寧  
爾知



董逃行

涉江登彼西山下看城郭鬱盤城中閣殿斑爛嘉樹  
 一何紛綸上有一巨暮間關遙望我心浩歎解一闌  
 闌寂聞民生何艱終朝缺突無煙胡彼來往翩翩綺  
 衣車馬可憐解二誰家起樓造天歌鐘舞管喧闐剥羊  
 宰牛列筵何但一食萬錢倏忽日薄重淵解三明燈熒  
 熒爛堂繡幃雞舌流黃樂人調瑟未央千年萬歲奉  
 觴豈知老至悲傷解四日月逝矣不我留精銷時往霜  
 露交流繁華零落山丘心懽意愛為他人收哀哉胡  
 不德求解五

秋胡行

鸞鳥不可為鳴爾胡不思顏淵掇塵尼父見疑我今  
 乃何敢望聖賢人心中憤悶徒苦悲智見萬里水清  
 終見底解一高高山上臺彼居者何誰厥狀蜿蜒同人  
 意欲牽纏汝雖見其形不見汝情乃胡營營相煎豈  
 不聞我命在天解二直道古難容樹喬風集顛周公有  
 何疵愆乃為四國流言伯奇撥蜂不為父憐跡有涉  
 疑惟賢知賢解三潔色為妬媒危言良見災讒說久自  
 明非時麟聖哀孤松摧為之薪水東西流欽猶鬼神  
解四



君馬黃

君馬黃臣四驪飛軒駮駮交路達錦衣有曜都且馳  
前徑狹以斜曲巷不容車攘臂叱前兵掉頭麾后驅  
毀彼之廬行我輿大兵折屋梁中兵搖楣櫨小兵無  
所爲張勢罵蠻奴爾慎勿言謀者來幸非君馬汝不  
夷

飲歌行

虎狼不可羣日短途路長魚瘠稻復澁蔬芝雞鳳凰  
篤之無恩澤背面輒詆戕錙銖苟不平持刃起相傷  
剽悍復譎詭水土性輕揚哀哉茲土民詠歌以難忘

阪田行

阪田飈離離子毋長寒饑昨聞接京軍征夫曷時歸  
特生阪田樹下有徃與來鞞裳四牡雖榮不如與妾  
共餽糜網魚不施網孰能制魚死征夫歸來歸來不  
見靈寶公安陸子

豫章篇

晨出南浦橋不見橋上樓但見火燒骨橋下水不流  
北風吹枯樹枝無一人來遊妖鳥羣啄鳴啾啾汝何  
不此地重起樓吳監大舶來越珍銜舳艫豫章之火  
心大荼



仙人篇

何者一老翁耳垂兩肩綠瞳方來此芙蓉峯招我同行  
聳身卽老翁授我王杵丹携手遊洪濛東至泰山  
顛飛瀑揚膏波清松蔭石關饑噉接瑤草渴飲玉屑  
泉晨朝吸沆瀣夕憇若木間俯視九區內傷心浹沈  
瀾

升天行

九州非我居我思遊冥荒飾輿驂玉虬乘氣切天翔  
朝餐發匡廬日暮嵩華陽上謁帝座側回旗拂天昌  
牽牛擊河鼓織女方七襄

其二

扶桑躍陽彩海氣騰瑤光六龍抗斗樞九帝開雲閭  
振衣躡仙蹤飛轡鸞翔仰身操天瓢手勺沆瀣漿  
朝嬉太乙館夕憇玉女堂馳情覽八極縱目窮遐荒  
環運無恒存逝代多隱傷回旌拂九曜捷步登文昌  
進謀芝蓋側待問紫玉房羣靈贈大藥諸御傳神方  
無惜一粒分遂令民壽康

洛陽陌

巖飈卷枯藿霜隼厲秋翩翩騶馬子意氣亦何赫  
朝馳上東門暮徧洛陽陌臂彎兩角弓寶刀雪花白



借問此誰子無乃漢相如昔挈一束書今乘駟馬車  
虎士爲執鞭縣令皆前驅傾城莫不歎觀者填路衢  
舉手謝鄉人榮耀但區區丈夫樹名勲所志在唐虞  
揚袂徑北去萬里誰能拘

丹霞行

毀譽榮辱至海波何時平海中有仙山仙人築爲城  
金銀爲室闕桂樹羅階生鸞鳥翔且舞美女稱飛瓊  
僮僮擁我蓋王子左吹笙踟躕聊戲娛餐芝翫西傾

雨雪曲

冬十一月阻舟徐汊朔風北來雨雪紛下禽鳥凍寂

洲村肅夜纜夫來言衣單腹餓波流洄洄促船難駕

我心悽惻羽翼儻假解一七月燠土今幸雨雪往者難

追來春可沃我雖波阻心則怡懌購蔬城市貸米逾

澤原阪蕭條雁鴻輯集貧士罔懷一陽環復解二青青

者衿涉江我求大澤寒冥胡子能來鷺鷥難飛潭網

頓集網收魚跳閱忘寢食荒岑險艱豈我能處南紀

凍肅返北于土解三

陽鳥篇

陽鳥攸居於渚於野飲啄紆徐行步閑雅我舟觸驚  
振翰若雲飛之有序還集成羣陽生豫知延頸跂望



空同集  
九  
舉翼萬里雲羅空想

湖吟行

魚游于水游于水而鳥游于水飽之去斯雲昧湖窈  
冬序僚慄竟日無人草莽冥寂百怪鳴叫原隰誰主  
有一魯夫荒濱守吾疑非恒人問之弗言汝胡者人  
畢到此間

虎欲齧人不避豪賢篇

吾之於人誰毀誰譽貌失子羽言失宰予知我者天  
君子洗心行不愧影寢不愧衾何樹疑疑于眇之特  
有撓俾鳴俊風者惑漢申黨人宋嚴偽學冥鴻逝豫  
轅軸局促非林何棲非淵何潛駟馬憂患貧賤德音  
富而可求其從如雲徐子起欽顯者蔑聞

獨漉篇

獨漉獨漉棄田求屋其屋雖大其人則餓小人在旁  
譬如蠶竭恩之雖勤芥之則螫歲歲艷陽桃李吐英  
未曾結實誰辯苦蜜錦繡圍厠過者掩口珠玉委途  
奚異塵土臨淵趣輪臨壑振綬人孰不聞亦孰不知  
綦絢之美不以爲纈身尊道高名爲雋傑

苦熱行

蘊隆焚如二儀爲爐赤曦鑠天塵沙沸途居奚諱袒



行弗擇憇魚伏於困鳥張其喙何物爲炭誰乎爲工  
橐之鼓之金流石鎔閭風之顛瑤沼之陰飈輪扇涼  
冰壑欽崙下踏層雪上攀琪樹仙人綠髮逍遙箕踞  
俯闕人世溷熱文毒我欲從之安得羽翼

雞鳴篇

雞鳴月落飄風振宇駕鵝曳陸翔鳥雲舉曜靈初出  
浮雲翳止驅馬東行條其嘅止

朝吟行

亭毒旣周明星有爛羲和授鞭九宇將旦寐者欲覺  
寤者嘅歎巉巉檜栢覆我中庭雞鳴於顛微霜夜零

閭闔未啓九闔尚扃馳神紫極振珩闕庭

玄熊篇

猛士守四方四方塵不揚玄熊在深山百獸皆遁藏

一獵火舉四澤虞羅亘長雲毒矢積如蛸玉石誰能

分解二熊皮充下御肉亦登君庖豈若犬與豸卽死無

咆哮解三

游子篇

游子在他鄉所願親壽考冰犀遊於淵惟願水長好  
礪石雖孤處不羨風中沙葛藟能纏綿不如絲與麻

豫章行

空同集

卷六



黃河雖大川所嗟源不清千里能一曲不如直道行  
王允輔京室李杜垂其名介休巾角折乃爲時所傾

析薪

析薪如之何爰以析其理結交如之何相要在終始  
女蘿施松柏女蘿千尺長結交不知心結交安得常

其二

列曜垂四隅燦燦冒中土箕星乃好風畢宿復欣雨  
汎觀愚哲士戚戚各有營哲夫計千載愚者終一生

空同子集

卷之六終

空同子集

卷之七

北郡李夢陽撰 東莞鄧雲霄歛澹之恒菟校

詩類二之三 樂府

公無渡河二首 空城雀

野田黃雀行 石城樂

大堤曲 襄陽謠

白銅鞮 襄樊樂

襄陽浣婦行 鴈門太守行

渡河篇 黃鵠篇

煌煌京洛行爲曹縣王子賦



南山篇

仙人好樓居三首

白馬篇

將歸篇

答客

擬燕歌行二首

芳樹二首

鳴鴈行

知足吟

直如絃

采菇曲二首

雙燕篇

古別離送龍湫子

史烈女

孤鵠篇壽程生大母

右次雜調曲三十四首

樂府三

雜調曲

公無渡河

盤螭作川梁功奇勢難久魴鱖尾屣屣天吳戴九首

其二

公無渡河河深不可渡中有白石齒齒漸漸兮戕戕  
蛟龍九頭戴角崢嶸峯嶺今水鱗鱗兮衝素波公無  
渡河吹沙暮多風河伯築梁結兩螭汝無羽翼墮水  
中涉水雖可樂不如登山阿噫嗟嗟公無渡河

空城雀

雙雀下空城穀穗黃離離二雀跳踉鼓翼啄穀穗其



空同集  
朋千百咸來集小者啾啾是其兒誰者翁媪被髮曳  
鞵來打雀雀薨薨飛上城嘈嘈鳴兩人恰欲抽身雀  
便復集回頭罵雀辛苦長得禾汝忍飽之我無粒手  
中乏利彈又茂網羅天旋日昏柰爾雀何

野田黃雀行

樂樂其所自生禽獸過其故丘悲鳴黃雀游野田焉  
得鴻鵠高舉情鳳凰靡世見生長丹山依玉禾白於  
脂飽之忽來飛仲尼逢子西乃被接輿譏

石城樂

盈盈窈窕女當門是誰家十三學畫眉十五擅琵琶

邑中有盧家此女名莫愁向前問此女女聞雙淚流  
二十嫁夫郎重門阿閣房臨牕種桐樹五年如身長  
自渠下揚州置妾守空樓悔不快剪刀斷水不東流

大堤曲

漢水白離離月落山黑時堤頭石不平走馬誰家兒  
儂住襄門西而在漢水北浮橋不着纜郎詎得儂識  
大舶何處來落帆向儂許高鞞白帽子識是真州佑

襄陽謠

一灘高一尺十灘高一丈湍急石巉魚何由上棹戕  
檣折俾我心愴順風沿水舉帆千里



白銅鞮

誰家池高陽池日暮歸倒接離醉如泥汝爲誰拍手  
歌襄陽兒

襄樊樂

立檣如麻卿來誰家新燕營巢風中滾沙鷓鴣逐鴛  
鴦金井石榴黃珍寶丘山積檀名黑門廂

襄陽浣婦行

彼誰者嫗吾家浣衣新寡寒賤鬢髮霜飛體無完衣  
十日九饑態度則殊辯是知非嫗泣荅言妾襄宮女  
少小入宮荷主憐顧四十始出嫁爲民婦灌田采薪

奄就貧窶舞裳綻汚形容改故夫死男孺蒸蕪靡救  
嫗咽復言侍襄定獻幾三十年王有義辭皇嘉特宣  
父子俱覲妃嬪如煙鈿第載路龍旂飄翩御使絡繹  
珍車班班漢峴同清天歌播焉袞舄南還層城言言  
鳥春日妍桂宮有延傑臣觴壽玉娥奉筵王旣捐世  
變來罔度聞見駭異古殿寂寞嫗勿更言萬類咸爾  
厥亦天道安之則已

鴈門太守行

鴈門太守汝何人治邦三月稱明神我有牛羊賊不  
來掠我有禾黍人不敢割昔我無衣今有袴著我思



禮拜太守太守不見憐但聞太守身姓邊紫髯廣額  
聳兩顴太守出門四牡駸駸後擁皂蓋前導兩麾行  
者盡辟易居者不敢窺旁問太守胡所之云訪城南  
皇甫規

渡河篇

小麥黃黃河波君奈何今渡河昔君游此思君一見  
經旬累月不君一面君今渡河乃往何縣跂予望之  
淚下如霰汀有鳧兮泚有蘭枝相亞兮居不單人生  
心事豈有殫君慎動靜加君餐

黃鵠篇

黃鵠游四海倦言還故邦中路失其雌三年迺有雙  
鴛鴦羽毛縟哉工鳳儔鶴匹渠豈同嫵婉歡娛殺酒  
豐琴鳴瑟奏芳夜中樂極思來內忡忡驗新追故悲  
悔叢人生萬事慎勿輕易狸鼠之能詎逮騏驎車牽  
美期谷風興刺我心自知聿斯語誰

煌煌京洛行爲曹縣王子賦

時風布陽和鞞鞞華春木清朝富才賢藹藹冠蓋屬  
努力競高路鷄鳴起相逐白日耀飛轡流雲翼行轂  
同里多彙薦一門有聯躡蹶彼曹南士雙雙皎如玉  
聚鳴各當晨連翩一何急煌煌京洛內濟濟英妙集



空齋集 卷七 五  
二郎紳委蛇三四錦翕熠大郎雖未官俯身拾班級  
入室談仁義出與卿相揖聲名旣烜赫性行復剛執  
見者勿徒羨青雲貴自立

南山篇

南山何巖巖上有孤鸞鳳佳偶永相失日飛夜悲鳴  
遺腹生雛哺之良艱晨采竹實暮取琅玕吁嗟哺之  
良亦艱雛成被九采翱翔覽四海四海觀光儀阿母  
亦榮輝我我相公門屹與南山齊自有鸞鳳來棹楔  
增崔嵬相逢且莫言聽我南山篇

仙人好樓居

津津海中洲峨峨白玉樓上曾結浮雲下戴神鰲遊  
前簷陰白榆青龍守門樞上有無始公餐霞煉金腴  
飛瓊鼓玄橐浮丘扇其隅情閑覽八表出入服氣輿  
日月跳兩珠迴旋但須臾萬年永福昌寤言莫相忘

其二

謁帝華蓋側沐髮咸池旁巖巖雲中樓文杏裊爲梁  
黃金走闌干銀闕前相望聳身若輕翼登之窮四洋  
四洋北荒沕波瀾浩揚揚九州一何拘斂顏歸洞房  
屑玉煉精魄用神無何鄉萬年永福昌寤言莫相忘

其三



乾鵲知來風靈人炳先幾超世構巍峩上與飛雲齊  
舉手拂天河白石寒離離牽牛不服箱織女棄支機  
孤鳥銜若華東來欲誰詒海水淺以清俯之嗟歎咨  
眷茲勿輕道翩翩衆鳩馳萬年永福昌寤言莫相忘

白馬篇

白馬紫金羈揚鞭過市馳萬人皆辟易言是賣珠兒  
生長本倡門結交蒙主恩寢食玉榻側獨聆優渥言  
取金大長秋徵歌李延年家住十重樓珠簾白玉鈎  
綺繡裁襦裳妖艷無匹儔片言卽賜第意氣凌五侯

將歸篇

對面有乖絕千里長相思登高望來車入門賦將歸  
驚風何飄飄獸兔奔間啼群鳥各有趨他鄉難獨依  
獨依令人惑悠悠浮雲馳悠悠尚可道霜露隕百草

答客

子去有何見來之奚所聞願客且寧坐爲子請敬陳  
丈夫志四方出門轍同輪人心投合諧匪必鄰里親  
長風會枯蓬飄飄逐飛塵旣東忽復西聿誰究其因  
引觴就岐路有懷庶能伸

擬燕歌行二首

花稀葉豔藤蕪芳皇皇溥原修且將陽浮野曠雲飛



空同集  
揚風沙眯目燠氣黃禽獸阻饑狐在梁興言送君還  
故鄉牽袂欲別立徬徨延視極騁中自傷締交心違  
隔肝腸爾去孰予共杯觴蘭橈桂棹文荔檣逝哉汗  
漫凌洪洋安能假翼東南翔何人贈君紫玉璫又何  
贈之雲錦裳永言嗣茲無我忘

其二

銀河耿耿秋夜長牽牛織女限河梁終日弄杼不成  
章延頸北望涕沾裳自君別我之他方錦衾燦兮獨  
空牀北風發發天雨霜鴻鵠垂翅不能翔谿谷天寒  
林樹蒼道路欲歸多虎狼人煙斷絕乏資糧爲君憂  
愁斷肝腸思策良馬逝君旁中道失路河無杭攬衣  
踟躕夜未央願爲浮雲歸故鄉

芳樹二首爲上海陸氏賦

陸出東坡故硯姑蘇全肩筆索予面賦一字起  
十字止

嗟天運春奄暮翩翩者鳥集于芳樹芳樹生路隅車  
馬一何多朝看桃李華夕看桃李柯爰登高丘以望  
遙見長安綺樓樓中美人彈瑟如聞三歎未休客乘  
白馬繫樓下秉燭置酒娛夜遊美人贈我錦繡辭把  
玩不異珊瑚鈎林陰溥露羅袂薄明月照闌那可留



嗟乎人生何不共努力君不見城鴉哺子忽生翼

其二

前缺八字句此篇足之

倚君子道爲貴貪夫所欽駟馬高蓋東家雖椎牛不  
如西家齋雖有文馬千駟不如西山啜薇倚嗟富貴  
良何爲瞻彼青青今陌上林穠華灼灼今一何早涼  
風有時漂搖來吹汝坐見淒淒白露滿芳草願采青  
松寄情親於遠道

鳴鴈行

鴻鵠高舉摩天飛渴飲沆瀣餐靈芝翅拂日月雲爲  
衣卽有矰繳安能施下遊滄海高河漢我思與爾時  
相見羽短毛長何足辯

知足吟

衡門可栖藜藿可飯錦綺雖麗韋布自暖車馬雖貴  
豈若仰偃下覽林臯上陟巒巘靜倚垂虹憩目送行  
雲返

直如絃

直如絃死道邊相逢且勿誼敬聽古人言子雖抱良  
璧暗投誰爲惜掇蜂尚見疑何況不相知種桑爲得  
衣種穀爲得飽結交不得心不如絕交早



采菇曲

衆星欲沒月模糊人家河上起相呼相呼相喚采秋  
菇問渠早起緣何事此草日出化作田中枯采菇采  
菇君早歸霜寒露重濕人衣藍田白玉非無種不似  
商山好蕨薇

其二

白如白玉簪香如玉田禾行人且莫行聽我采菇歌  
儂家住在黃河曲一日波濤怨殺河河來有魚去有  
麥麥下秋霜菇菜多不來河向城南去只願年年河  
不波

雙燕篇

雙燕來故室不見阿母語穿牕入幕尋阿母哀鳴欲  
棲還復舉喃喃止翠桁徘徊拂素幃浮塵積玉珈斷  
蘚生畫衣雙燕年年春社來阿母阿母何時歸

賦得古別離送龍湫子

盈盈楊白花沉沉綠波水化爲萍萍草乃與人相侶  
飄泊無根蒂隨風任流止今日歡聚客明日倏千里  
千里異鄉縣有時復相見心情豈固殊所嗟形色變  
一見復一別少壯頭盡雪老大未足傷願言崇令芳

史烈女



史烈女者杞史氏之女也未嫁而死其夫是踰  
禮以守信破經而成仁者也李子曰史氏女有  
激俗之功焉然予聞其言矣於是乎迷

梨花如雪霜鴛鴦不成雙我心明如鏡我心清如水  
鏡明有塵時水覆無收理古昔華山畿行人下馬拜  
春風兩蛟蝶綠草搖衣帶

孤鵠篇壽程生大母

有孤者鵠毛羽蒼靈氣勃勃吞秋霜饑餐玄圃禾渴  
飲瑤池漿朝從金母遊夕挾飛瓊翔生有二子二子  
生八雛雙雙崑崙之巔漱芳茹膏飧玉腴上下嬉紫  
虛青鳥為伴文鳳俱俯視鵠鵠何啻萬萬輩  
啾啾啄腥穢



長洲歸隆齋參閱

空同子集

卷之七終

空同子集

卷之八

北郡李夢陽撰 東莞鄧雲霄歛潘之恒蒐校

詩類二之四 樂府

塘上行

艷歌行

甄氏女詩

師曠歌二首

五仰詩五首

淋池歌

招商歌

順東西門行

妾薄命

苦哉行

嗟哉行

朱榴篇

行路難

白紵詞三首



右次雜調曲二十一首

河之水歌

想像歌

鷄鳴歌

內教場歌

叫天歌

招安歌

賊逃歌

愍災歌

愍燠歌

姚源歌

欵乃歌

和方山子歌

已哉辭

三原王公壽辭

招隱山辭

右次古調歌一十五首

樂府四

雜調曲

塘上行

蒲生何離離過時采者稀莫言采者殊盛衰自有時

解一昔與君相見不謂行當變讒言使交流水清石自

見二孔雀東南飛十步一徘徊羅鷺羽翼短安可作

雄雌三今日樂相樂飲酒行六博蒲生枝葉多中心

亦不惡四

艷歌行

晁日出扶桑照我結綺窻綺窻不時開日光但徘徊



解一通阡對廣陌柳樹夾樓垂上有織素女歎息為誰

解二思步出郭東門望見陌上柳葉葉自相當枝枝自

解三相糾

甄氏女詩

予讀魏記見甄氏女失身以讒被誅卽其絕鳴  
之音至參戚不可讀而竟以讒死悲夫然卓氏  
女亦奔相如作白頭吟何所遇懸絕也陳思王  
浮萍詩或稱託風於甄氏比之長門成敗異矣  
豈非事人者之永鑒哉

種樹高堂下枝葉何留留辭家奉君子置我青雲樓

一朝意乖別棄妾忽如適昔為同溝水今向東西流  
獨守結心脾夕暮不垂帷明月鑒玉除清風一何悲  
曳絢立中庭仰見明河湄明河光不回念妾當何依  
沉思仰天歎淚下如斷縈

師曠歌二首

詳見樂書

宮筵肆兮哀絃拊玄鶴降兮鳴且舞呼煙侶兮嘯雲  
友誰能為此師曠子

右玄鶴歌

招白雲兮會天鬼雨冥冥兮風不止君好音兮徒自  
苦民悲嗟兮離棄女



右白雲歌

五仰詩五詩

余懷五嶽尚矣婚嫁未畢頗有向平之歎太史  
公曰高山仰止景行行止卽未能至心竊嚮往  
之於是作五仰詩焉

我所仰今在華山側身西望阻秦關蓮嶺阻修徒離  
歎仙人贈我白瓊丹翳三秀兮吟葛覃我欲從之途  
路艱西望咸陽涕潺湲

其二

我所仰今在衡山側身南望阻荆關祝融岩亭心悲  
酸仙人贈我赤瓊丹婆娑桂樹山之間我欲從之途  
路艱南望洞庭涕潺湲

其三

我所仰今在泰山側身東望阻齊關南有龜蒙東肅  
然仙人贈我綠瓊丹招我東游扶桑間我欲從之途  
路艱東望河濟涕潺湲

其四

我所仰今在恒山側身北望阻燕關飛石岑巉不可  
攀仙人贈我黑瓊丹帶星辰兮佩鳴環我欲從之途  
路艱北望鴈門涕潺湲



其所仰兮在高山側身遙望阻韓關企余望之良匪  
難仙人贈我黃玉丹手持金光翳華管我欲從之途  
路艱遙望緱城涕潺湲

淋池歌

翩翩黃鵠玉距金衣飛引兩雌來下我池肅我徒駕  
我舟折荷花兮權中流女揚歌龍豹馴陽阿雜進齊  
謳陳會鼓擊樂未央皇家萬壽民阜康

招商歌

荷爲蓋水爲車女豔豔兮繡帶舒辟陰館坐陽渠招

涼風兮吹玉竽吹玉竽感心志晝卷夜舒蕩人思榮  
景沉凝霜零仰首太息沾我纓

順東西門行

慨人生七十稀來日苦奔去難追賢子孫富家資耳  
聰眼明心寡悲酒既清般核時首春禽鳴梅滿枝人  
道成世運熙乃今不樂當待誰召同姓請鄉耆鼓瑟  
飲醇祝期頤

妾薄命

蘭房宵宴燭舒明今者不樂歲其征豈伊異人惟友  
生金杯玉盤殺雜呈恃容驕愛各極情任心屬懽密



意傾美人顧予獨目成  
烏履雜蹂香澤傳額瞬目語  
中意宣主稱千壽客萬年攬衣起舞體仙仙燕翻雪  
迴臻極妍羅濡穀潤汗沾顏履遺珮絕立未安滿堂  
稱能燈屢前金爵弱腕未勝持相擎袖遮情語微促  
尊前席影齊移繡裙珠夜光透迤耳後懸填何纍纍  
皎若芙蓉出綠池贈我彤管親所將車疑馬停仍罄  
觴德音愛深結肝腸醉沉獨言猶不忘歸室自解鳴  
玉鐙九華流蘇雞舌香合眼宛在君之旁覺來微月  
鑒空牀起視北斗長闌干踟躕露晞日上山義成愛  
施良獨難悲思歎息淚汎瀾佳人絕代惜玉顏情會  
恩離推我肝願託錦衾終此歡

苦哉行

從軍北到長城長城草枯窟不平  
十月風發霜霰零人鬚馬尾冰  
結成東歸太行踐羊腸斫冰煮糜巖谷  
旁攀枝掩淚瞻故鄉紅顏搗素怨  
夜長悲離恨阻斷肝腸破鏡何時飛上蒼

嗟哉行

人言高樹多風羣鳥巢其顛勁幹從來易折弱者永  
其年蘭蕕雖異衆草秋至同一零君子不愛其身身  
屈名乃成



朱榴篇

朱榴雖擅名不與衆草爭春陽炎天衆草死朱榴吐  
豔何揚揚縹緲攢葩不結實可憐此物終拋擲

行路難

錦笙翠蛾心莫疑色銷言忤情遠離偶投響諾山嶽  
移背面詆訾孰復知川塗憂風備其舟彼風東西流  
波翻浪側時不休泊船倚岸纜樹根彼何者鳥翻然  
喧願置此曲令心煩

白紵詞三首

鐙繁月明夜何長華桂鳳髻曳鳴璫裊雲流影歸洞  
房引商刻徵斷人腸金鞭騶馬立徬徨解衣酣酒歌  
未央夜闌雞鳴不下堂

其二

天河爲橋一水長雙星怨夜遙相望玉簾金蕩衢路  
旁塵暗鐙殘芬秀揚轉眸明月低西方墮靨流鈿飄  
碎光馬停車駐空斷腸

其三

五更月微含素波飛霧英英沒絳河桂宮蘭室棲玉  
娥外極金鰲萬象羅萬人齊和一人歌生丁福運民  
太和竟日爲歡豈足多



古調歌

河之水歌

河之水歌李子為其子作也以子追不及  
河之水流濺濺望父不見立河干  
河水澆澆舟子搖櫓東方漸明我不得渡

想像歌

李子北行日夜行思其兄其兄亦日夜行於是  
作想像之歌

霧邪煙邪行草莽者兄邪

雞鳴歌

雞鳴歌者李子去江西而作者也孤舟泝江漢  
而上

東方白兮雞鳴膠膠鼓予權兮沙之坳明星上船桅  
北斗入地離離蘆中人逝而逝而

內教場歌

內教場歌者李子紀時事而作者也 帝自將  
練兵於 內庭

雕弓豹韃騎白馬大明門前馬不下徑入內伐鼓大  
同邪宣府邪將軍者許邪解一武臣不習威奈彼四夷  
西內樹旗 皇介夜馳鳴砲烈火嗟嗟辛苦解二



叫天歌

叫天歌者撫民之所作也余聞而悲焉撮其詞  
而比之音

寧兮今帶刀彼誰者子逍遙牽我妻放火我言官府

怒我解一彼逍遙者誰子出門殺人騎馬城市汝何人

誰教汝騎馬解二持刀來持刀來彼殺我父兄我今遇

之必殺此儉彼答言奉黃榜招安嗟嗟奈何奈何解三

彼不有官饑官賑之出有馬騎我有租有徭有役若

楚胡不彼而解四

招安歌

鷹饑則附我父順子逆子右父左彼則萬只誰曰千  
只彼烹牛美妻尚望樵山而秉犁

賊逃歌

戈戟團團鳥飛不過汝安逃兮毒弩蛇矛乎林之坳  
兮君不見青衣來狼兵開

愍災歌

火之發兮城南暮飛城入兮勢衝礮急風逆不反我  
心怛兮怫兮汨兮安得術巽爾滅兮解一省之火自門  
徂堂燒兩廊兮彼何樓者裂棟爆瓦天為赭兮煙噴  
噴海湧照四野兮嗟何鳥聲怪而赤焰翔而不下兮



解二

愍燠歌

東湖爲陸而我無車有舟灘高水淺行不得以舒倉  
浪天疾威我人七月不雨田龜拆山而鱗鱗夫兮出  
殺賊婦哭于廬疇給我食

姚源歌

嗟岑岑是何峯攢兮下則無底之壑血節溶滉兮猛  
獸食人岑岑禽鳥竦峙鳴鳶爲不可以爲鳳枉爾飼兮  
我聞不敢以言舉火來白刃帳下離哉翻縣官走前  
奪驢後叫狗

欸乃歌

五更風打頭來兮嗟嗟欸乃船開努力齊兮欸乃力  
把柁立兮欸乃努力上灘水平平緩兮欸乃北風雨  
雪吹我寒兮欸乃日漸漸冥兮誰濟此川欸乃

和方山子歌

餞者在郊黃鳥交交楊柳陰車有酒有肴

右僕夫歌

何柳不黃何鳥不鳴匪無良朋懷我故鄉

右答歌

春水渙渙水鳥鳴喚追汝者誰白馬在岸



右舟子歌

食君琅玕佩君玉環春蒲再芽北舟我還

右答歌

已哉辭

由衷醜之孰之廉兮餐水茹蘗乃疇苦汝節威武不  
屈以身殉國此戾此賊彼毅彼力曰伊逮之逮之膺  
矣已哉天乎命乎詘予改之吾曷懲矣栗滴瀝望首  
陽之清泉兮有二人者從之汨乎終予年

三原王公壽辭

軒冕兮巍我公之進兮羣龍委蛇公今何所兮南山  
岩堯誰與公兮逍遙 南山何有兮其雲油油出覆  
四海兮歸抱一丘公朝攀兮暮與游徜徉宇內兮復  
安求 綠桂兮丹阿公遊兮酒歌幅巾兮鷺羽婆娑  
兮公舞壽且康兮慰我民望兮

招隱山辭

山之桂青青秋風綠葉冬不零王孫幾時歸山空蕙  
草摧 山之草萋萋春風花發桃源迷子規啼竹陰  
日暮愁人心 秋之夕螢飛山風霜露沾人衣洞門  
翳寒蘿奈茲華髮何



太原王穉登校定  
 卷之八終  
 空同子集  
 卷之八終

空同子集

卷之九

北郡李夢陽撰 東莞鄧雲霄歛潘之恒蒐校

詩類三之一 五言古

時命篇 迷憤一十七首

發京師二首 離憤五首

七哀詩 與客問答二首

赴江西之命初發大梁作

轅駒歎 李廣

豫讓 怨歌行

葑菲歎 有夢





馳景篇

時序篇

歲晏行

苦熱篇二首

值雪詠懷

苦寒行

行省樹下

卧疾二首

右次感述四十五首

五言古一

感述

時命篇

代馬不戀越荆禽豈巢燕鸚鵡渡汶水君子憂未然  
奈何客游子率爾辭故山行獸顧丘林出雲有歸還  
交交聲利途軒車日駢闐誰念牛下人悲歌夜中歎  
豪門有棄襦我衣恒不完張儀懼諸侯泄柳乃閉關  
貧賤豈盡愚時命當自安

迷憤

弘治乙丑年四月坐劾壽寧侯逮詔獄

天門鬱岌堯虎豹守其隅番番九苞禽頡頏舞雲衢  
銜書奏至尊青龍與之俱光夕絕還響徒倚空愁余  
其二

帝居杳何許蒼蒼隔九閭白玉為阿閣黃金為重門  
可望不可扣仰見飛雲奔何當發炎旭下照孤葵根



其三

韜響久不作烈士常苦辛魏裾已寂寞漢檻空嶙峋  
邈焉向千載矍矍懷斯臣皇心苟識察百死寧一身

其四

懸車曜回景夕風起喬林撫茲散沉憂浩蕩開重陰  
廻翔瞻闕門躊躇思玉音宵坐焰明燭懷古傷我心

其五

大化罔不虧人生固多艱汎觀疇昔人浩然發憂歎  
自非餐霞侶伊誰駐朱顏律律南山岑拂衣會當還

其六

孟夏草木長垂雲一何凄零雨宵始歇西山朝復隤  
兀然坐高春時聞鶉鳩啼逢辰寡宿懼履運傷前迷  
旣無杯中物何以宣我懷

其七

飄風自南來颼颼入我懷我欲隨之翔北向三重階  
守闈遙望余闔闔何由排戚戚勿重陳危言多厲階

其八

夕雲鬱崢嶸頽陽入西丘返景漏林端明我屋上樓  
靜久得玄理源澄復何求永懷鄒陽子聊以抒我憂

其九



苔井蕭陰森嶽廟闕以清車前當路翻紅葵夾階生  
羈人散煩疴紆徐步中楹時禽變好音庭柯敷夕榮  
詎知沮洳場曠然獲悠情

其十

青青廟中槐交交一雙禽爲巢育其兒結構良苦辛  
一朝驚彈羅移棲向高林我行適見之歎息空彌襟

其十一

湫宇夕陰陰寒燈焰不長氣棲遞微明飄忽如清霜  
人云網恢恢我胡寓茲房墉鼠語牀下蝙蝠穿空梁  
驚風振南牖徂夜倏已央於邑不成寐展轉情內傷

其十二

小草生枯桑芊芊競芳辰雖云殊本根寄託各有因  
自我罹幽囚忽焉經浹旬我兄千里餘渺渺長河津  
妻子日望余蒼蒼隔西鄰所幸二三友笑言越昏晨  
宵鐙促燕膝昵語忘苦辛患難苟相得毋論骨肉親

其十三

檐月何徘徊晨風復依依載言別同居倉皇倒裳衣  
處者各惆悵去者從此辭挽手刺刺語寄言家中知  
丁寧故與親願勿長相思明明昊天威我父寧在茲

其十四



皇矣彼上帝赫赫敷明威四序舒以慘中有玄妙機  
燭龍躍天門一朝景光回昔爲霜下草今爲日中葵  
稽首沐罔極欲報難爲詞

其十五

明月出東方徒行反家室室人走相訊問我何由出  
明知非夢寐欲辯仍自失喜極雙涕零轉面各銜恤  
垂燈照緗卷浮埃滿朱瑟愁言卒未傾忽復見晨日

其十六

鳴鑣踰廣陌執簡謁彤闈道逢相識問倏如遠行歸  
虎拜閣門下龍顏霽晨輝二后邈以迢吾皇嗣其徽  
從諫如轉丸旁求炳先幾令聞洽四國壽與南山齊  
其十七  
臣本草野士弱冠承恩私黽勉簪紱間低回赧容姿  
直湍寡回波勁木無弱枝天運不易測物情諒如斯  
修塗方浩浩駕言赴前期

發京師

正德二年春二月與職方王子同放歸田里  
驅車彰義門遥望郭西樹冠蓋耀青雲車馬夾廣路  
威風何赫奕各蒙五侯顧回颺動地起白日倏已暮  
棄擲委蔓草榮華若朝露良無金石交人生豈常故



空同集 卷九 五  
締絡足禦冬誰念純與素愾彼白華篇氣結不能翹

其二

鳶蘿附松柏枝葉固相因行子戀儔匹况遇同鄉親  
北風起河梁日暮多飛塵攜手同車歸駕言西適秦  
道遠長渴饑客子懷苦辛仰瞻天漢流夜永不得晨  
驂馬媚其曹鳴鴈各求群明星出東方照見車下人  
夙興卽往道登彼高路津還顧望京邑愴焉何所陳

離憤

正德戊辰年五月閹瑾知劾章出我手矯旨詔

獄

采采河邊蘭鯉魚何盤盤念我同胞人訣絕摧心肝  
事變在須臾浮雲逝無端臨發路踟躇誰敢前爲言  
原鴿抗高聲我行何時還十步九回頭淚下如流泉

其二

練練晨明月鬱鬱風中柳蒼茫遮我車識是平生友  
感君故意勤贈我雙瓊玖虎狼夾衡軛狐狸草間走  
東方漸發白聊歸勿爲久天威煽方處君子誌其口

其三

北風號外野五月知天寒海水晝夜翻南山石爛爛  
丈夫輕赴死婦女多憂患中言吐不易拊膺但長歎



永夜步中庭北斗何闌干裂我紅羅裙爲君備晨餐  
車動不可留佇立淚洸瀾願爲雲中翼阻絕傷肺肝

其四

驅車重行行前上西山陞白日忽已冥歸鳥來何遲  
飄風吹征衣北逝方自茲行路見我行不行爲嗟咨  
苦稱途路溢君子莫何之欲訴難竟陳天命自有期

其五

結髮事君子締結固不解青蠅玷白璧馨香逐時改  
恩阻愛不周棄擲良在此紅塵何冥冥白日淪西海  
對面有訣絕何況萬餘里得寵各自媚誰爲展情理

訛言方蝟興君子慎其始

七哀詩

問客何方來四月發回中繁霜隕百草樹木如寒冬  
客行一何遙客顏一何憔悴舉目望關山關山鬱蕭條  
少壯盡乘邊崖谷何寥寥戰馬不解鞍弓矢常在腰  
碩鼠走空倉城上狐狸跳咄咄勿復陳更問北來人  
六月天雨霜哀哉生不辰

與客問答

門有萬里客顏面帶風霜左右佩雙鞬意氣何揚揚  
問客何州士逝將之何方客亦不顧云但言開中堂



手持一書札口口稱故鄉長跪受書札草字八九行  
上言親戚故下言別離傷

其二

長跪牽客裾故鄉今何如客起長跪言故鄉不可居  
墳壙既蕪沒寧復識田廬鄰巷鮮故人族屬半丘墟  
巖巖高山谷今爲官路衢主人聆客言涕泗交漣如  
離鄉三十載小女爲人姑邇者日以親遠者日以疎  
狐狸知故穴牛馬知故法願爲連理樹託根北山隅  
赴江西之命初發大梁作

戚戚辭故里盛陽遠行游入門揖兄嫂征馬已駕輶  
日午登前岡浮雲逝南流零汗透衣巾僕夫行悠悠  
軀微懼命重慷慨但懷愁還望故所居匹鳥鳴相求  
而我獨何爲道路常懷憂

轅駒歎

世徑互險夷富貴安所需昔爲櫪中駿今爲轅下駒  
白日仰悲鳴青雲立踟躕未蒙主人顧何由効馳驅  
朝思碣石津夕睇流沙隅常恐侶凡蹇棄捐中路衢

李廣

李廣昔未邁射獵誰見稱君主猶未識他人寧不輕  
日從田間飲夜止灞上亭醉尉前呼呵小吏亦見凌



一朝剖郡符飛蓋赴北平  
凭軾覽百邑樹羽寧千城  
亭障不設燧櫪馬躍頓纓  
彎弓射虎歸淡淡黃雲生  
自從結髮戰含鏑無虛鳴  
威陷五單于胡人寤寐驚  
孰知身運乖數竒竟無成  
壯顏逐年衰白髮忽見嬰  
寄言雄圖者俟命莫訟聲

豫讓

士有氣相感殺身酬所知  
伯氏旣謝世族姓無子遺  
噬炭甘若飴漆身亮何爲  
生旣荷君遇沒敢求君知  
仇聞再三歎攬淚惠新衣  
玉劔四五動左右神爲摧  
愴哉彼流水迄今爲鳴悲  
行路佇歎息芝蘭繞壙基

人生固有畢節義誠難虧

怨歌行

怨違情有悲懽聚理無欺懽  
怨非中則感離難重持  
纔見春華交倏已晨露滋  
秋風吹羅袂團扇不復施  
團扇與羅袂用舍各有時  
炎寒啓迭運超曠多遠期  
勿徒歎捐棄恩愛倘中移

葑菲歎

菁菁田中葑與與疆上菲  
托根豈誠異敷葉爲誰美  
采掇女心歎遵路勞情理  
鮮莖入素手終朝不盈筐  
置之獨長惋枝淚沾衣  
裏白華肇卑薄谷風啓怨誹



色衰使交離棄美因下體空瞻寸晷旋倏見嚴飈起  
徒持履霜戒誰念禦冬旨吟歎非貞喻托物聊在此

有夢

濡迹古梁郊託茲洪河疆流景逝不處衆草忽已霜  
玄雲駭崇原鳴風激空桑侯予竟此夕念獨涕沾裳  
人欲天必從神交詎無方解襟卽幽寐執袂奉顏光  
道睽未終已舒體各異鄉鳴鷄在東壁薄月鑿空牀  
精誠諒有合暫違寧詎傷

馳景篇

小至方浹辰居然屆寒臘澄空暮霜斂雲物恣吐納  
眷念河關阻悵望三川楫城陰多悲風馳景杳難接  
遙憶鹿門駕緇軫馮驩缺

時序篇

邈矣時序邁悠悠羈思懸少歲覲飛龍振步躡雲煙  
揚芬凌紫霄結駟覽黃淵王綱祗以穆四海屢豐年  
晨趨謁雲陛晚沐踏京塵流觴擁華館藻翰飛陽春  
逸者眷多暇壯士耻無聞徒閱芳華改何有尺寸勲  
日月不我待倏忽星運移抱疴屆茲夕慙然傷夙期  
玄髮難久恃母令達者嗤

歲晏行



歲晏幽陰積寒霖夕館空浮雲起城闕浩眇安可窮  
悠揚橫太虛回薄蔽鴻蒙我有一叢蘭種之良亦難  
飄風忽來吹零露苦相殘勸君留此草蕭艾不可寶

苦熱篇

大運互伸縮二儀每驕蹇陽威苟不烈陰馭何能反  
避暑躡清榭拭汗望幽巘密綠曠豐林萋蕪萎脩坂  
逃飲豈其性對食不能飯嗟彼馳騁子晨暮各忘返  
執熱古有經愚智詎相遠何當蘇海宇余亦遂仰偃

其二

伏陰會當升愆陽固有期墻茨覆鮮實蟪蛄夕以哀  
所虞大火流卽值涼霜催軒轅製六律大舜彈鳴絃  
四氣爲之和民生寡憂思古理日云邈季運安所師  
我懷良已永炎曜况倭遲願言惠清飈颯然均此施

值雪詠懷

索居倦晨暮沓沓傷歲窮玄雲爲誰屯流霏夜常風  
映隙旣窈窕穿窗亦玲瓏凌高似有綴填卑忽若崇  
哀多雖稱物益寡竟誰功匪無盈尊酒斟酌解我忡  
途路悵伊阻佳期杳莫同握瑾惜楚老投瑤怨國風  
人欲天必從精感理能通鐘絃曠易絕郢調寡彌工  
持爲知音說庶以折其衷



苦寒行

白日歛光曜北風如劔刃澤堅走鳴車水雪峙千仞  
登高望四海四海水將結蛟蛇壅巢窟虎豹潛於穴  
噴吼太行谷蒼莽陰山戎沙磧晝飛霜壘門吹烈風  
鳥雀墮巖壁黃狐嘯空城居人掩關卧客子無復行

行省樹下

中林溽雨積蕪徑暑日薄衆鳥集于樾鴈風眇焉託  
披雲矚岑觀縹緲三阿閣踽踽懷昔賢擾擾疾焚錯  
夷猶攀榮柯慷慨念幽壑

卧疾

寒飈振䟽牖十日歲華改王孫恣脩路芳草若相待  
寸心百慮嬰移疾屢朝晦范甦蛛網生翟門雀羅在  
歎息中林蕙望望何能采

其二

眠痾感歲晏中意長刺刺展策不能讀對酒寡懽懽  
晨風激幽林堅氷滿川澤短景不可駐倏忽變昕夕  
飛雲迅南征歸鳥厲其翼地北常苦寒寤寐想温域



新都吳文策謝文延參校

空同子集

卷之十終

空同子集

卷之十

北郡李夢陽撰 東莞鄧雲霄歛潘之恒蒐校

詩類三之二 五言古

雨後往視田園同田熊二子二首

庄上晚歸車阻於潦渠徒步始達于岸

山夜

蒸熱三子過我東庄

田園雜詩五首

秋詩二首

右次感述一十二首

登東城樓晚下樓作贈同遊數子二首

寄贈端溪子二首 贈蒼谷子



贈青石子二首

贈劉潛

贈崔子

贈孫生

贈王生二首

贈崔生

贈魏子二首

三士篇贈醫李鄭張

寺遊別熊子四首

甲申中秋寄陽明子

贈李世德

寄贈玉溪子

初秋上方寺別程生

贈鄭生三首

寄程生

贈梅國子

贈定齋子

右次贈寄三十一首

五言古二

感述

雨復往視田園同田熊二子

鳥性悅儔匹人情豈無慕亟見不云數獨行必相呼

去聲昨有城上眺今復郭南步膏雨回原綠豐林宿殘

霧久蕪慨我廬旱水兩妨誤夏禾既岑漠秋林庶能

穫釀具粗已足念子有長路

其二

雨歎自有期歲功詎云差昨來偶滂沱萬物皆顏華

晴晨子見過毅然巾我車荒徑蹄轍稀澤國踈桑麻



長風起修林夕響連蒹葭  
芄芄南山頭離離東陵瓜  
懷古看行雲矯首徒咨嗟

庄上晚歸車阻于潦渠徒步始達於岸

暮醉各言歸風起草獵獵潢潦溢中軌車至不可涉  
野黑徑復曲魚貫踵相躡良懼蒼耳窟重爲蜥蜴怯  
童稚行我先溝塍負而躡世路本夷嶮人情有驚怙  
閒素輕波濤臨川想維楫履坦合自咎長吟詠匏葉

山夜

孤月上東岫白鶴激秋唳涼風振溪壑林影颺搖曳  
山居本深靜夜氣復澄霽冥心向千古眇焉託真契

蒸熱三子過我東庄

林蜩午不歇日毒土色赤鬱言森密裡時華媚深碧  
三人者胡來無乃不速客黃公蒼鬚髯二生  
鄭生作程生詰  
頤而暫入蔭齊解帶對酒各岸幘籬萱挺其秀檻果  
垂易摘無言豈爲默有形忘所役杯乾時一斟遽復  
至西夕

田園雜詩

朝陽曖秋木凝露未卽晞翩翩啄榴鶯自驚集復飛  
衆穡旣登載我事亦漸稀晨興坐東牖兀然對紅薇  
噉噉一白鶴北逝將疇依忍茲稻梁辰而汝甘長饑



其二

大車行棘棘小車響額仄隨分各有營急者稼與穡  
日出在田野日入未遑息長陰下西夕蕭颯起寒色  
雲霞變彩氣照我桑麻國立看勞者歸露濡徑不濕

其三

野清雲氣滿場功亦云畢收穫雖有殊大小各盈室  
感茲狼戾年追念憂苦日紛然貪其飽妻子孰遑佚  
歲工借寒熱人事坐勞逸蕭蕭原野霜何草不垂實

其四

壯時掉塵鞅老乃卽農務值茲田事終怛然感霜露

原萋日以歛林華不守故嚴霜淨游氣翔鷓在天路  
鷓雀躍蓬蒿啄食不滿嗉而予竟何言飯牛髮今素  
其五

田居亦安娛患者寡朋仇農談或時歇仰視蒼雲流  
青衿者誰子道言卽我謀開尊面圃場剥棗充盤羞  
物小意固勤觴旣情仍留晶晶遠天色秋暘下林丘

秋詩

百卉淒以腓游行散我矚夕風一何瑟入園乃華馥  
菊也紛其英修篁積寒綠人生匪金鐵榮落譬草木  
磬折者誰子誓死日爭逐賢貴與賤愚滅去孰還復



空同集  
鳥雀各有安無爲智者辱

其二

北風胡鴈急小禽亦南飛輕俠群少年求伺爭有爲  
弋彈無遺木畢施在中達百發不一獲用心良足嗤  
黃雀墮計中鳴眺如得依白鵠舉雲漢覽之心內悲  
小大有分量瑣瑣豈知微

贈寄一

登東城樓晚下樓作贈同遊數子

登樓散涼日隕然日云暮消暑良已厭戀景復延顧  
曠野起暝色層闌合昏霧眷言樓中客共此城上步

蚊蟲撲面游蝙蝠時自度二儀但莽莽一氣黯迴互  
晝夜本定理明晦非難悟日入各言息鐘鳴復馳騫  
嵩岑宋帝閣突兀信陵墓往似宿沙禽來如綴花露  
徒倚千仞梯長謠發悲悰

其二

盛陽麗樓臺爛如錦繡錯日入暝煙起俯視但冥漠  
卽此悟人理天道固可度動靜啟晦明代謝有今昨  
涼飈逐夕興迴聲滿虛閣四顧水明滅宿鳥喧相索  
啞啞啼城烏噉噉上雲鶴怛怛感晨暮徙倚罷觴酌  
北斗忽復低西月隱長薄閃爍海光動翕沓氛霧廓



無恃黑頭在早定滄洲約

寄贈端溪子

歎鳳世已遠悲麟竟何爲蘭蕙秘幽巖蕭艾盈路岐  
君子抱明德傷也誰復知隨流非我心特立乃見疑  
亭亭南山松匪無霜霰摧寒糝但不改孤貞常自持

其二

智者尚高弃達人慕希聲曠世有相感同時悵難并  
烈風起玄朔百卉忽以零登高望所思慨焉念徂征  
鴻鴈序翅飛麋鹿呦呦鳴爲言明馨子盍簪終有成

贈蒼谷子

玄雲翳白日積陰何漫漫風氣日以凄泥雨常不乾  
漂籜委川塗百卉良可歎覽物懷伊人撫時悲涼寒  
憂來如亂絲理之焚無端爲霜念逝鵠多露怨芳蘭  
所嗟聲影隔匪懼馨香殘徒把瑤華音長謔望林巒

贈青石子

高鳥有違群離獸多悲音懿彼婉孌子悵焉分此襟  
朝發南河隅夕暮乃北岑玄雲旣無極黃波浩且深  
君其四海翔無言還舊林

其二

季秋凋群木寒潦濫中軌笳鼓濟方舟軒車匝河涘



空同集 卷十 六  
攀德惜遙邁，悵分睇馳晷。采蘭徒情結，把菊爲誰美。  
願子厚衣襦，霜露自茲始。

贈劉潛

人生無常因，飄如風中雲。昔別大江隅，今也長江濱。  
涼飈起霜夕，隕葉何紛紛。我菊有佳色，毅然獨芳芬。  
遲速良有時，勉哉樹高勳。

贈崔子

鯤魚游北溟，鳳鳥翔南涯。扶搖非無運，鳴世自有期。  
顯夫競鐘鼎，遁士潛蒿藜。駟馬豈不榮，泉石安且怡。  
悠悠西山人，匪爲薇蕨饑。寄言青雲客，策勳及今茲。

贈孫生

古人種桃李，不爲蹇其花。君子振英芬，豈在文與華。  
炎陽赫晴彩，百卉流丹霞。菁彼東園實，纍纍一何嘉。  
采者自成蹊，舉世徒咨嗟。

贈王生

鳳鳥世希有，衆人常見疑。一朝下西周，曼焉鳴高岐。  
光彩照四極，觀者驚以咨。神物耻自衒，卑鄙甘見欺。  
驥馬匪伯樂，鹽車空號悲。燁燁豐城劍，非華誰固知。

其二

伯牙違鐘期，有琴不復彈。茲意奚以取，良爲知音難。



得失有榮枯合離成怨懽黃鵠戾天雲玄鴻漸河干  
淺夫貴多矜狹士賤自殘幸子固明志顯塞察所安

贈崔生

伊昔振我衣連步千仞岡巖谷窈疑阻岐徑回羊腸  
與者咸莫從子也乃同行舉首撼天樞縱目攬大洋  
星斗何歷歷海波浩茫茫登山貴及顛涉水非無航  
願言窮高深念哉毋相忘

贈魏子

霖潦久迺歇晨興送還輶野寒泥淖盛念茲途路修  
人生苟相許豈必曾綢繆踟躕東路岐贈子雙吳鉤

其二

八月浙潮滿念子鼓南楫海月團會峯山峯下江葉  
里閭多宴娛仕宦有榮業早回北向轅晝日望三接

三士篇贈醫李鄭張

嚴飈厲時威稿葉下榮木春風一以敷病草奄回綠  
天道豈常肅人事有還復七情旣吾賊六淫乃爲殞  
農經發玄旨軒問擴英馥代殊理易昧行乖計相逐  
陳芟抱縣息寒根蘊真育李生起專門鄭子振空谷  
張也剖金匱奏効更神速飲橘祗自銜種杏亦可惡  
誦我三士篇聊以助清穆



寺游別熊子

天地固常爾遇之情不同但看搖夏樹何似飛秋蓬  
古來怨離人豈必窮與通默默兩無語坐披琳殿風

其二

夕風起涼閣入耳松撼撼當此佳勝區誰忍遽離析  
簷鶴晏晏鳴蘿翠滿衣席異時冠蓋場倘憶幽賞跡

其三

散眸七寶地觴爾孤雲臺一望碧煙合四面清風來  
流影盪我前炎樹生秋哀一笑問天地劫灰安在哉

其四

獨立臺上閣仰茲城下湖爲問黃金魚徑尺今有無  
愚者人盡笑賢之乃謗誣二者吾適從不如乘海桴

甲申中秋寄陽明子

風林秋色靜獨坐上清月眷茲千里共眇焉望吳越  
窈窕陽明洞律兀芙蓉闕可望不可卽江濤滾山雪

贈李世德

豢畜不生麟鸞穴無鷓鴣求水貴求源佳木無惡條  
李門世清修三輩燁雄超黃扉早殺翮中葉乃淪凋  
生也困逾勵奮飛竟雲霄大鈞幹神化萬物隨生消  
英英畹中蕙化爲艾與蕭願堅謀始心全我金石要



寄贈玉溪子

松蕙不棲蟬熊皮不上蟻秉性死不易斯足驗人理  
苟投信若飴義交固如水如水遐則思若飴肯乃毀  
悠悠徂暑月眷眷念君子霍雲停復飛汾水蕩而駛  
山西迴夕陽皎如靚光美徒操孤絕絃歎息竟何以

初秋上方寺別程生

勝地亮常爾佳士難屢并未窮結駟游遽復揚帆行  
古林鬱城隅石門敞幽清趣風選濃蔭布席觴群英  
竹涼時自來殘暑驕未平戒飲今二暮爲子杯一傾  
義投不在故跡遠心自縈念茲徘徊意時哉樹嘉名

贈鄭生

杪秋木葉脫霜露告成歲驅車遡寒郊觸物念征邁  
戒舟有程日維駒阻心愛所幸旦暮留前途或風瀨

其二

伊予解組歸汝也美少年駿馬臂兩弓射獵梁王川  
感子重意氣授之黃金鞭萬里不易致悲鳴爲誰前

其三

英英百尋木時至乃黃落楚楚清俊郎還家鬢蕭索  
桂樹寒正榮溪魚白而躍山行采瑤草寄我長生藥

寄程生



河日淡莽莽飄風但塵沙陰陽爲誰爭時至枯亦葩  
念離傷歲窮懷音怨途賒彼美杳何許孤吟弄瑩華  
夜攬海門月晨吸波上霞苦心誰固知延望長自嗟  
浦鴈回故翼汀蘭茁新芽無負汴上約梁園多奇花

贈梅國子

烈士有心許佳人重情歡投義旣不易識者良獨難  
清秋理瑤瑟爲君發高彈一曲未云亂仰視孤鴻翻  
一舉狹千里再舉青雲端我欲從之逝羽短才力單  
聲影中藏之儻接排風翰

贈定齋子

水澄萬形一鏡明別醜好哲人靜以俟愚者苦紛擾  
君本觀海人揚旆向東道高步登岱巔橫覽盡洲島  
匪云波水浩祇見衆山小孔林秋飈入漂箬委寒草  
明裡展躬謁蕪翳爲涓掃







